

古蹟




新城縣志卷四

古蹟

新昌故城

在縣東三十里漢置屬涿郡後為侯邑後漢廢唐復置屬涿郡
州宋因之後省





督亢亭

後漢書郡國志方城故屬廣陽有臨鄉有督亭水經引孫暢之
述畫有督亢地圖言太子丹使荆軻入秦秦王殺軻圖亦滅絕
張志在縣北一里許遺址高二三丈周圍約六七步突出物表
四望無際紫泉芹萊河二水會流夾河煙碧萬頃尤宜晚眺今
其址已泯嘉慶十七年紫泉水涸土人於中流見方石掘之彌
多蓋其遺址也

青塚

張志在縣東二里高二丈形若馬鬣周圍二三步俗傳為塹

墓今建無碑廟高志按昭君墓在山西大同府

酈亭

府志叙酈亭在新城為道元故里水經注酈亭海水上承督亢
海水於通縣東東南流歷紫淵東余六世祖樂浪府君自涿之
先賢鄉爰宅其陰西帶巨川東翼茲水今縣西北中旺社有酈
村酈奇庄

觀射臺

宋太宗通鑑錄太平興國四年六月庚申自將伐契丹丁卯次東易州
刺史劉宇以城降苗兵千人戍之戊辰次涿州判官劉厚德降
庚午次幽州城南駐蹕寶光寺契丹軍城北帝率眾擊走之壬

太平興國軍 帝幸新城
顧鐵林軍人射强弩

申分兵四高攻城契丹鐵林廟主李扎盧存以所部來降九月已奉
新城觀鐵林軍人射強弩陳
斗門河

張志在縣西北二十里即何承矩瀾斗門興水利處通鑑宋淳
化三年三月以何承矩為河北屯田制置使初承矩至雄州即
建屯田之議會黃懋亦請於河北興水田乃以承矩為使懋為
判官發河北諸州戍兵萬八千人給其役開塘泊種稻田民賴
其利何承矩傳副米信知滄州疏言臣幼侍先帝征行北邊道
路川源形勢甚悉若於順安砦西開易河浦口導水東注于海
東西三百餘里南北五七十里資其陂澤築堤貯水為屯田可
遏敵騎奔軼悉壅閼南諸泊播為稻田上嘉納之即拜制置

河北總邊屯田使

六郎堤

大清河由縣南西合紫泉南流為白海又南自雄縣之瓦濟橋
復折而東仍歷縣之東南界入霸州境河北有長堤一道自縣
屬之韓家庄陳家柳等村東接霸州舊傳為六郎堤宋楊延昭
在边防敵人憚之目為楊六郎堤蓋守益津關時所築

馬村

屬方中社社在城西北四十里宋楊延昭傳景德元年詔益延
昭兵滿萬人如契丹入則屯靜安軍之東今莫州石普屯馬村
護屯田犄角追襲

將

白海

張志即宋遼分界處。宋建炎淵聖北轅渡白海河。僉書樞密院張叔夜隨行道中不食。過白海。御者曰：過界河矣。叔夜瞿然仰天大哭，扼腕而卒。宋文天祥及元劉因、明李夢陽俱有過白海詩。

蘭海

一統志在新城縣，即宋遼分界處。蓋白海之別處停流出，其附近處有蘭海村，屬定興。

開善寺

高志在城內東北隅，大殿內藤胎八金剛，俯仰各四，如吳道子筆意，奇觀也。惜作者姓名時代悉無所攷。即中邑人朱尚文撰重修碑記曰：按舊碑寺創于宋重慶二年。宋史無重慶紀元，蓋相傳之訛也。御史邑人宋大本撰重修碑文云：城之東隅有寺，名為開善，殿名為大雄。考之保定志，此寺不載，意者縣司失於錄送，或者秉筆作志者失于詳檢，未可知也。考舊碑是寺創建于有宋重慶二年，厥流甚遠。又殿中後楹上書至順元年七月十九日，三人到此十三字，考史書至順乃文宗年號。

古燕城

府志在縣西南，相傳遼太后所築。鴻築簡錄遼景宗保寧五年七月，幸新城，駐蹕燕子城。乾亨二年四月，清暑燕子城。四年五

月清暑燕子城

梳粧樓

張志在縣西北四十里，屏賁驛西數步，傳乃蕭太后梳粧之所。

鴈筒

按

景宗后蕭氏，小字燕燕，即位選為貴妃，尋冊為皇后。生

聖宗，即位尊為皇太后，攝國政，明達治體，夙善必從，習知軍政。

澶淵之役，親御戎車，指麾三軍，賞罰明信，將士用命。聖宗稱遼

聖主，后教訓為多焉。景宗保寧五年二月，幸新城，七月，駐蹕燕

子城，乾亨二年四月，清暑燕子城，四年五月，清暑燕子城，聖

宗統和四年，大敗彬信于政溝，班師次新城，二十二年，伐宋

至澶淵。

時碑

邑西北里許，有金鄭國公時立愛墓，縣邑八景，所謂時林秋色

也。今墓已平沒，有碑巍然獨存。學士承旨李宴撰文，禮部郎中

趙淵書。學士承旨党懷英篆額。按趙本傳，淵字文儒，東平人，學

道有所得，尤工書，自號黃山。趙秉文言其正書體兼顏蘇，行草

備諸家，其超放又似楊凝式。當時以配党懷英，號曰党趙。

昇仙橋

張志在縣南關，相傳金時有人賣葯於石橋上，號為仙，忽一日

白晝飛昇，因名昇仙橋。

駐蹕莊，即高碑店。

一統志在新城縣西三十五里元英宗至治三年駐蹕於此賜拜住為別業府志在新城縣西北三十五里元至治中英宗遊畋至此俗呼為密店鴻簡錄至治二年奉命立忠憲王碑於范陽李木魯駢駐蹕頌云至治元年詔若曰丞相安童弼我世祖功在社稷其勅詞臣即所有范陽采地碑之昭示永久明年秋七月帝幸易州還駐蹕碑垣之南願拜住曰汝祖考功績之感世載帝世惟朕不忘亦惟汝之賢有以相朕益懋世德拜住頓首謝翼日上步自帳殿坐碑右拜住獻萬壽觴良久乃去

文廟頂

張志在縣西北四十里虎賁驛有土邱遺蹟

廡殿

張志在縣東北五里許計地四十二畝三分五厘殿樹墻井俱廢萬曆十二年知縣王好義申請作為學田立碑鐫文以記張志今為民田邑人陳世昌詩云歷初行幸駐疆場百歲維經野草黃赤手誰人扶大寶丹心獨自對斜陽分明遺址猶嚴肅想像華輿空渺茫素往道中逢白叟諄相與說文皇

御道

張志在廡殿前潤文餘南達雄縣

紫泉亭

府志舊在縣西北隅城垣上明景泰四年有司移入明倫堂後

又名文會亭張志在明倫堂後久圯今建尊經閣

石將軍

邑東北二十里許有石人介冑北向屹立鐫石刻工細土人呼為石將軍不知何代物也

婁妃村

邑東南四十里小陽社西馬村頭河南里許傳有瓦碑一惟鄉人呼為劉妃店即婁妃村也生靈妃係明宸濠之妃鄉人以宸濠之變乃諱婁為劉耳見五分山人集